

Q V A R T A P A R S

DE NATIVITATIBVS.

Quæ ante iudicium nativitatis humanæ consideranda
sint, patefacere. Canon I.



N primis verificetur nativitas circa gradum ascendentis quantum fieri potest per Animodar, aut moram nati in utero. Deinde per accidentia nati, si saltem habeat aetatem. Quo facto, scias nati patriam genus, pro iudicio particulari. Nam aliter & aliter cœlestes influxus operantur, in uno, quam in alio. Siquidem actus actiuorum, fiunt in faciente predisposito. Vide tunc gradum ascendentis, & anni dominum, cum reliquis angulis tempore introitus Solis in Arietem proxime praecedentis nativitatem, & considera an dominus nativitatis, uel locus Solis, uel locus Lunæ, uel locus partis fortunæ, uel medium cœli, aut gradus ascendentis sit locus illius fortunæ, uel infortunæ illo anno dominantis, & ex eo auge uel minue bonitatem uel maliciam significatoris, ex quinque Hylegij iam dictis. Considera etiam si eo anno, quo natus est, praecesserit nativitatem aliqua eclipsis luminarium, aut coniunctio ponderosorum, uel non ponderosorum, & aspice an aliquod Hylegorum, scilicet ascendens, locus Solis, locus Lunæ, pars fortunæ, & medium cœli, habeat gradum talis eclipsis praecedentis, uel coniunctionis. Quod si hoc contingat, pronunciabis nato magnum accidens futurum, secundum significationem Hylegij, quod fuerit tali gradu illustratum, & hoc accidens poterit esse tam in bonum quam in malum, secundum dispositionem eclipsis, uel ipsius coniunctionis magnæ. Consideretur etiam coniunctionis uel oppositionis gradus nativitatem praecedentis, ille enim gradus magnam uitam habet. Et si contingat gradum illum constitui in aliquo forti loco figuræ natalis, tunc accidens futurum pronunciabis forte secundum naturam loci. Qui si fuerit in decima, in honore & magisterio habebit excellentiam. Si in septima, in coniugio maximam fortunam, & sic de alijs locis. Si cum parte fortunæ, diuiniarum affluentiam præbebit, & talis gradus habet magnam uitam, tam circa uitam, quam circa corpus, ideo est dirigendus ad loca & ad aspectus, tam fortunarum, quam infortunarum.

An natus nutriendus sit nec ne, & de Hylech electione iuxta mentem Ptolemæi enarrare. Canon II.



N primis aspice an natus sit nutriendus nec ne, & pronosticabis super uitam. Et licet multæ sint diuersitates, tamen rationi congrua hic uidebis. Loca enim idonea Hylegij haec sunt, domus prima, domus decima, undevictima, nona & septima, & quælibet domus ex eis habet 30 gradus, quinque scilicet ante initium domus, & 25 gradus proxime cuspidem domus sequentes, & id summe notandum uenit.

In diurna nativitate Regulæ.

Prima, Si Sol in loco idoneo Hylegij repertus fuerit, erit Hylech.
Secunda, si Sol non fuerit in loco idoneo, uide Lunam, quæ si in idoneo reperta fuerit, erit Hylech.

Tertia, si neque Sol, neque Luna fuerit in idoneo loco, accipe planetam plures habet

Loca idonea Hylegij.
1.10. 11. q. 8. 7. domus, et
quælibet ex eis habet 30
gradus, 5 scilicet ante initium
domus, et 25 gradus
proximi cuspidem sequitur.